

Segun Sra. Monique Giel- Labad di Wit Gele Kruis

“Cifranan di embarazo hubenil a baha pero mester sigui traha riba tereno di prevencion”



ORANJESTAD- Embaraso hubenil ta un problema cu nos sociedad ta haya su mes confronta cun’e tur dia di nobo. Na aña 2012 tabata tin un total di 143 caso di embarazo hubenil, y compara cu 2011 el a baha cu 10. Esaki ta un punto positivo pa sigui traha riba tereno di prevencion.

Hopi hoben ta bin di fami-
anan cu problemanan social.
Adiccion, alcohol, pero tambe
abuso sexual ta problemanan
cu ta bin padilanti constan-
temente. E ultimo aki ta un
problema hopi grandi aki na
Aruba bou di hobennan. E
consecuencia di un abuso
sexual pa e hobennan ta hopi

grave. Mayoria biaha casonan
di abuso sexual ta casonan cu
masha poco ta bin den publi-
cidad.
Edad tambe a baha. Na aña
2012 hoben entre 14 cu 17
aña. Esey ta un parti alar-
mante, nan ta menor di edad
y ta den desaroyo. Nan curpa
ta den desaroyo y nan mes no
ta cla ainda pa carga e respon-
sabilidad di ta un mama. E
hobennan mes ta bisa cu nan
no por cu e situacion ora cu e
baby ta yora y cu nan no tin
tempo mas pa nan mes. den
practica esaki ta resulta den
practica cu “negligencia” di
baby a hisa. No tin un rato pa
nan mes, door di constante-
mente ta ocupa cu e baby.

MOTIBO DI EMBARASO HUBENIL

- Falta di educacion

y informacion riba e ciclo
mensual, hopi hoben ta activo
sexualmente y sin proteccion
door di e creencia cu nan no ta
sali na estado

- Tene relacion sexual
bou influencia di droga of al-
cohol

- Peer- pressure: nan
ta wordo pusha door di amis-
tadnan cu ya ta activo sexu-
almente pa otronan tambe ta
activo

- E deseo of necesidad
pa experimenta

- Situacion y/o prob-
lemanan social na cas.

INVESTIGACION

Dos stagiaire, estudiante di
pedagogia a mediante un in-
vestigacion mas profundo, a
bay wak e situacion den cas,
na scol y a papia cu docen-
tenan. Unda tin necesidad di

informacion y na ki edad mes-
ter cuminsa cu duna e infor-
macion. Mas trempa cumin-
sa, ta mas miho. P.e. por cum-
insa na scol preparatorio, pero
akinan e informacion mester
wordo adapta na nan edad.
Pero ta hopi importante pa
duna informacionnan aki na
muchanan cu ta den 5e klas.
E grupo di muchanan aki, ta
muchanan cu nan curpa ta
cambiando y nan mes tin hopi
pregunta riba e cambionan cu
nan ta pasando aden.

LESNAN DEN ENSEÑANSA

Lo introduci un pakete di le-
snan pa muchanan di cinco y
seis klas di scol basico.

Continuacion Pagina A9

Continuacion di pagina A8

Y tambe di prome y di dos klas di scolnan secundario. Motibo di esaki ta paso, cu den practica e grupo aki ta esun cu mas necesidad.

E ta cuminsa ora cu nan nota cambionan den nan curpa. Tur e informacionnan aki, cual lo wordo lansa den e conferencia na September, cu expertonan di Corsou y Hulanda. E tema lo ta sexualidad, enfocando riba e factornan cu ta hunga rond di sexualidad. Lo enfoca riba norma y balornan, unda muchanan cu ora cu e momento yega, na cierto edad, nan lo por tuma e decision corecto.

E conferencia lo cuminsa di 16 di September te cu 20 di September, e prome dia lo conoce e expertonan, 17 ta bay pa un dia di enseñansa, 18 di september ta dedica na e profesionalnan, 19 anochi pa tur maestro unda lo duna informacion riba e punto aki. Dia 20 lo tin un anochi pa mayornan.

Ta importante pa informa e

mayornan kico e lesnan ta encera. Pakico ta importante e introduccion di e lesnan. Un di expertonan lo trece tur su bukinan tocante topiconan con un mayor por papia cu e yiu.

E expertonan lo bin pa comparti nan experiencianan y na Aruba, e expertonan lo comparti informacion di con e situacion na Aruba. No ta conoci na ki manera e lesnan aki lo wordo introduci, si ta como un materia riba su mes, of como parti di lesnan di manera “maatschappijleer” of den “persoonlijke vorming”.

Ta keda na cada scol con nan ta bay introduci e lesnan aki. Riba su mes, e lesnan tin un duracion di 45 minuut. Ideal lo ta bay dun’e alumno e lesnan aki den forma di un materia riba su mes, unda cu e mester studia y haya punto pe y a base di un prueba ta evalua si e alumno a comprende e les.

SALUD

Lo papia tambe riba e parti di salud, y e parti di sexualidad. Personanan di Telefon pa Hubentud lo ta presente, unda nan lo comparti kico ta

e yamadanan y mayoria cu ta bay riba sexualidad. Kico e hobennan nan pregunta ta y nan ki manera nan ta wordo contesta.

Ta tempo pa cuminsa cu e parti di educacion. Den practica, Sra. Giel ta bay cu e muchanan cu ta haya yiu y tambe ta duna charla na scolnan. Muchanan di 6e klas di awendia, ta muchanan cu ta hopi adelanta. Sra. Giel di Wit Gele Kruis ta invita mayor pa e anochi di mayor. Hopi mayor tin problema pa papia tocante di sexualidad cu nan yiunan.

Hopi mayor, den un situacion na cas, no sa kico nan yiunan ta ocupa cun’e. Cu ta existi malesa bou di hobennan, tin muchanan cu tin of otro malesa, pero door di berguensa nan no ta asisti pa tuma tratamiento.

Hopi di e hobennan no ta pensa mas a leu, kico ta e consecuencia cu por tin di tin relacion sexual y sin proteccion. A base di investigacion, a bin haya sa cu mucha muhe ta esunnan cu ta mas activo sexualmente bou di e hobennan. □

